

OFFERYNNAU STATUDOL CYMRU

2015 Rhif 1417 (Cy. 141)

DIOGELU'R AMGYLCHEDD, CYMRU

**Rheoliadau Gwastraff Peryglus
(Diwygiadau Amrywiol) (Cymru) 2015**

<i>Gwnaed</i>	- - - -	<i>24 Mehefin 2015</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>26 Mehefin 2015</i>
<i>Yn dod i rym</i>	- -	<i>20 Gorffennaf 2015</i>

Mae Gweinidogion Cymru wedi ymgynghori â'r canlynol, yn unol ag adran 2(4) o Ddeddf Atal a Rheoli Llygredd 1999(1) ("DARhLI 1999")—

- Corff Adnoddau Naturiol Cymru;
- y cyrff neu'r personau hynny yr ymddengys iddynt eu bod yn cynrychioli buddiannau llywodraeth leol, diwydiant, amaethyddiaeth a busnesau bach, yn eu trefn, sy'n briodol yn eu tyb hwy; a
- y cyrff neu'r personau eraill hynny sy'n briodol yn eu tyb hwy.

Mae Gweinidogion Cymru hefyd wedi ymgynghori â'r canlynol, yn unol ag adran 27(2) a (4) o Ddeddf Gwastraff a Masnachu Allyriadau 2003(2) ("DGMA 2003")—

- y cyrff neu'r personau hynny yr ymddengys iddynt eu bod yn cynrychioli buddiannau awdurdodau gwaredu gwastraff yn eu hardaloedd sy'n briodol yn eu tyb hwy;
- y cyrff neu'r personau hynny yr ymddengys iddynt eu bod yn cynrychioli buddiannau personau sy'n ymwneud â gweithredu safleoedd tirlenwi yn eu hardaloedd sy'n briodol yn eu tyb hwy; a
- y cyrff neu'r personau hynny yr ymddengys iddynt eu bod yn cynrychioli unrhyw bersonau eraill yr effeithir arnynt sy'n briodol yn eu tyb hwy.

Mae Gweinidogion Cymru wedi eu dynodi(3) at ddbenion adran 2(2) o Ddeddf y Cymunedau Ewropeaidd 1972(4)("DCE 1972") mewn perthynas â mesurau ynghylch atal, lleihau a dileu llygredd a achosir gan wastraff(5) ac atal, lleihau a rheoli gwastraff(6).

(1) 1999 p.24.

(2) 2003 p.33.

(3) Yn rhinwedd adran 59(2) o Ddeddf Llywodraeth Cymru 2006 (p.32) ("DLIC 2006") caiff Gweinidogion Cymru arfer y pŵer a roddwyd gan adran 2(2) o Ddeddf y Cymunedau Ewropeaidd 1972 (p.68) ("DCE 1972") mewn perthynas ag unrhyw fater, neu at unrhyw ddiben, os ydynt wedi eu dynodi mewn perthynas â'r mater hwnnw neu at y diben hwnnw. Mae paragraff 28(1) o Atodlen 11 i DLIC 2006 yn darparu bob dynodiadau a wnaed o dan adran 2(2) o DCE 1972 yn rhinwedd adran 29(1) o Ddeddf Llywodraeth Cymru 1998 (p.38) sydd mewn grym yn union cyn cychwyn y diddymiad o'r is-adran honno gan DLIC 2006 yn parhau i gael effaith ar ôl cychwyn y diddymiad hwnnw fel pe baent wedi eu gwneud yn rhinwedd adran 59(1) o DLIC 2006.

(4) 1972 p.68. Diwygiwyd adran 2(2) gan adran 27(1)(a) o Ddeddf Diwygio Deddfwriaethol a Rheoleiddiol 2006 (p.51) a chan Ran 1 o'r Atodlen i Ddeddf yr Undeb Ewropeaidd (Diwygio) 2008 (p.7). Mewnosodwyd paragraff 1A o Atodlen 2 gan adran

Mae'r Rheoliadau hyn yn gwneud darpariaeth at ddiben a grybwyllir yn adran 2(2) o DCE 1972, ac ymddengys i Weinidogion Cymru ei bod yn hwylus i gyfeiriadau at Benderfyniad y Comisiwn 2000/532/EC(7), y cyfeirir ato yn rheoliadau 2(2), 3(4), 4(4)(a), 5(2) a 6, gael eu dehongli fel cyfeiriadau at yr offeryn hwnnw fel y'i diwygir o bryd i'w gilydd.

Mae Gweinidogion Cymru yn gwneud y Rheoliadau hyn drwy arfer y pwerau a roddwyd gan adran 2(2) o DCE 1972, a pharagraff 1A o Atodlen 2 iddi, adran 75(8) o Ddeddf Diogelu'r Amgylchedd 1990(8), adran 2 o DARhLl 1999, ac Atodlen 1 iddi, ac adrannau 11, 12 a 13 o DGMA 2003.

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Gwastraff Peryglus (Diwygiadau Amrywiol) (Cymru) 2015.

(2) Daw'r Rheoliadau hyn i rym ar 20 Gorffennaf 2015.

(3) Mae'r Rheoliadau hyn yn gymwys o ran Cymru.

Diwygio Rheoliadau'r Cynllun Lwfansau Tirlenwi (Cymru) 2004

2.—(1) Mae Rheoliadau'r Cynllun Lwfansau Tirlenwi (Cymru) 2004(9) wedi eu diwygio fel a ganlyn.

(2) Yn rheoliad 2(1) (dehongli) yn y man priodol, mewnosoder—

“ystyr “y Rhestr Wastraffoedd” (“*the List of Wastes*”) yw'r rhestr o wastraffoedd a sefydlir gan Benderfyniad y Comisiwn 2000/532/EC sy'n disodli Penderfyniad 94/3/EC sy'n sefydlu rhestr wastraffoedd yn unol ag Erthygl 1(a) o Gyfarwyddeb y Cyngor 75/442/EEC ar wastraff a Phenderfyniad y Cyngor 94/904/EC sy'n sefydlu rhestr o wastraffoedd peryglus yn unol ag Erthygl 1(4) o Gyfarwyddeb y Cyngor 91/689/EEC ar wastraff peryglus, fel y'i diwygir o bryd i'w gilydd.”

(3) Yn rheoliad 6(2)(b) (rhwymedigaeth ar awdurdodau gwaredu gwastraff i gadw cofnodion ac anfon dychweliadau), yn lle “Rheoliadau'r Rhestr Gwastraffoedd (Cymru) 2005” rhodder “y Rhestr Wastraffoedd”.

(4) Yn rheoliad 7(1)(b) (rhwymedigaeth ar weithredwyr safleoedd tirlenwi i gadw cofnodion ac anfon dychweliadau), yn lle “Rheoliadau'r Rhestr Gwastraffoedd (Cymru) 2005” rhodder “y Rhestr Wastraffoedd”.

Diwygio Rheoliadau Gwastraff Peryglus (Cymru) 2005

3.—(1) Mae Rheoliadau Gwastraff Peryglus (Cymru) 2005(10) wedi eu diwygio fel a ganlyn.

(2) Yn lle rheoliad 2(1)(a)(11) (y Gyfarwyddeb Wastraff ac ystyr gwastraff), rhodder—

28 o Ddeddf Diwygio Deddfwriaethol a Rheoleiddiol 2006 ac fe'i diwygiwyd gan Ran 1 o'r Atodlen i Ddeddf yr Undeb Ewropeaidd (Diwygio) 2008 a chan O.S. 2007/1388.

(5) O.S. 2005/850.

(6) O.S. 2010/1552.

(7) OJ Rhif L 226, 6.9.2000, t.3, fel y'i diwygiwyd ddiwethaf gan Benderfyniad y Comisiwn 2014/955/EU (OJ Rhif L 370, 30.12.14, t.44).

(8) 1990 p.43.

(9) O.S. 2004/1490 (Cy. 155) fel y'i diwygiwyd gan O.S. 2005/1820 (Cy. 148). Gwnaed diwygiadau eraill nad ydynt yn berthnasol i'r Rheoliadau hyn.

(10) O.S. 2005/1806 (Cy.138), yr offerynnau perthnasol sy'n diwygio yw O.S. 2011/971 (Cy.141) ac O.S. 2011/988.

(11) Amnewidiwyd rheoliad 2 gan O.S. 2011/971 (Cy.141).

- “(a) ystyr “y Gyfarwyddeb Wastraff (“*the Waste Directive*”) yw Cyfarwyddeb [2008/98/EC](#) Senedd Ewrop a’r Cyngor ar wastraff(12) fel y’i diwygiwyd ddiwethaf gan Reoliad y Comisiwn (EU) Rhif 1357/2014(13);” .
- (3) Yn rheoliad 3(a)(14) (Atodiad III i’r Gyfarwyddeb Wastraff), hepgorer “, fel y gosodir yr Atodiad hwnnw yn Atodlen 3”.
- (4) Yn lle rheoliad 4(1)(15) (y Rhestr Wastraffoedd), rhodder—
- “(1) Yn y Rheoliadau hyn, ystyr “y Rhestr Wastraffoedd” (“*the List of Wastes*”) yw’r rhestr o wastraffoedd a sefydlir gan Benderfyniad y Comisiwn 2000/532/EC sy’n disodli Benderfyniad [94/3/EC](#) sy’n sefydlu rhestr wastraffoedd yn unol ag Erthygl 1(a) o Gyfarwyddeb y Cyngor [75/442/EEC](#) ar wastraff a Phenderfyniad y Cyngor [94/904/EC](#) sy’n sefydlu rhestr o wastraffoedd peryglus yn unol ag Erthygl 1(4) o Gyfarwyddeb y Cyngor [91/689/EEC](#) ar wastraff peryglus, fel y’i diwygir o bryd i’w gilydd.”.
- (5) Yn rheoliad 6(b), yn lle “62A(1)” rhodder “62A(2)”.
- (6) Yn rheoliad 8—
- (a) ym mharagraff (1)(b), yn lle “62A(1)” rhodder “62A(2)”;
- (b) ym mharagraff (2) (gwastraff penodol sydd i’w drin fel gwastraff peryglus), yn lle “Erthygl 3 o Benderfyniad y Rhestr Wastraffoedd” rhodder “Erthygl 7(2) o’r Gyfarwyddeb Wastraff”.
- (7) Yn rheoliad 9—
- (a) ym mharagraff (1)(b), yn lle “62A(1)” rhodder “62A(2)”;
- (b) ym mharagraff (2), yn lle “Erthygl 3 o Benderfyniad y Rhestr Wastraffoedd” rhodder “Erthygl 7(3) o’r Gyfarwyddeb Wastraff”.
- (8) Hpgorer Atodlen 3(16) (Atodiad III i’r Gyfarwyddeb Wastraff).
- (9) Yn lle Atodlen 8 (ffurf ar ateb y traddodai i’r cynhyrhydd neu’r deiliad) rhodder y testun sydd yn yr Atodlen i’r Rheoliadau hyn.

Diwygio Rheoliadau Trwyddedu Amgylcheddol (Cymru a Lloegr) 2010

- 4.—(1) Mae Rheoliadau Trwyddedu Amgylcheddol (Cymru a Lloegr) 2010(17) wedi eu diwygio fel a ganlyn.
- (2) Yn rheoliad 2(1) (dehongli: cyffredinol) yn y diffiniad o “WEEE”, yn lle “Article 3(b)” rhodder “Article 3(1)(e)”.
- (3) Yn adran 3 (dehongli: Cyfarwyddebau)—
- (a) yn lle’r diffiniad o “the Waste Framework Directive” rhodder—
- ““the Waste Framework Directive” means Directive [2008/98/EC](#) of the European Parliament and of the Council on Waste(18);”;
- (b) yn lle’r diffiniad o “the WEEE Directive” rhodder—
- ““the WEEE Directive” means Directive 2012/19/EU of the European Parliament and of the Council on waste electrical and electronic equipment (WEEE)(19).”.

(12) OJ Rhif L 312, 22.11.2008, t.3.

(13) OJ Rhif L 365 19.12.14, t.89.

(14) Amnewidiwyd rheoliad 3 gan [O.S. 2011/971 \(Cy.141\)](#).

(15) Fel y’i diwygiwyd gan [O.S. 2011/971 \(Cy.141\)](#).

(16) Amnewidiwyd Atodlen 3 gan [O.S. 2011/971 \(Cy.141\)](#).

(17) [O.S. 2010/675](#), y gwnaed diwygiadau iddo nad ydynt yn berthnasol i’r Rheoliadau hyn.

(18) OJ Rhif L 312, 22.11.2008, t.3.

(19) OJ Rhif L 197, 24.7.2012, t.38.

(4) Ym mharagraff 1 o bennod 1 o Ran 1 o Atodlen 3, (cyfleusterau esempt: disgrifiadau ac amodau)—

(a) yn is-baragraff (1), yn y man priodol, mewnosoder—

““List of Wastes” means the list of wastes established by Commission Decision [2000/532/EC](#) replacing Decision [94/3/EC](#) establishing a list of wastes pursuant to Article 1(a) of Council Directive [75/442/EEC](#) on waste and Council Decision [94/904/EC](#) establishing a list of hazardous waste pursuant to Article 1(4) of Council Directive [91/689/EEC](#) on hazardous waste, as amended from time to time;”;

(b) yn lle is-baragraff (2) rhodder—

“(2) In this Part, a six digit code used to refer to a waste is a reference to the waste specified by the six digit code in the List of Wastes except insofar as the waste in this Part in relation to such a code does not include some of the types of waste specified by the code in the List”.

(5) Yn adran 2 o bennod 3 o ran 1 o Atodlen 3—

(a) ym mharagraff 1—

(i) yn is-baragraff (3)(e), yn lle “dangerous substance” rhodder “hazardous substance”;

(ii) yn lle is-baragraff (5), rhodder—

“(5) In this paragraph, “hazardous substance” means a substance classified as hazardous as a consequence of fulfilling the criteria laid down in parts 2 to 5 of Annex 1 to Regulation (EC) No [1272/2008](#) on classification, labelling and packaging of substances and mixtures(20).”;

(b) ym mharagraff 11 is-baragraff (3)(c) yn lle “Annex III” rhodder “Annex VIII”; ac

(c) yn y tabl ym mharagraff 15(2), yn ail golofn y rhes sy’n dechrau “160504*”, yn lle “dangerous substances”, rhodder “hazardous substances”.

(6) Yn adran 2 o bennod 5 o ran 1 o Atodlen 3, yn y tabl ym mharagraff 1(2), yn ail golofn y rhes sy’n dechrau “150202*”, yn lle “dangerous substances” rhodder “hazardous substances”.

(7) Yn Atodlen 12 (cyfarpar trydanol ac electronig gwastraff)—

(a) ym mharagraff 2, is-baragraff (1), yn lle “Article 3(b)” rhodder “Article 3(1)(e)”;

(b) ym mharagraff 3—

(i) yn is-baragraff (1), yn lle “Article 6(1) first paragraph and Article 6(3) and (4)” rhodder “Articles 8(1) to (3) and 9(3)”;

(ii) yn lle is-baragraff (2) rhodder—

“(2) But when interpreting the WEEE Directive for the purposes of this paragraph, ignore the following words in Article 9(3)—

(a) “or the registration referred to in paragraphs 1 and 2”; and

(b) “and for the achievement of the recovery targets set out in Article 11”.”.

Diwygio Rheoliadau Gwastraff (Cymru a Lloegr) 2011

5.—(1) Mae Rheoliadau Gwastraff (Cymru a Lloegr) 2011(21) wedi eu diwygio fel a ganlyn.

(2) Yn rheoliad 3(1) (dehongli), yn y man priodol, mewnosoder—

(20) OJ Rhif L 353, 31.12.2008, t.1, fel y’i diwygiwyd ddiwethaf gan Reoliad y Comisiwn (EU) Rhif 1297/2014 (OJ Rhif L 350, 6.12.14, t.1).

(21) O.S. 2011/988; yr offerynnau perthnasol sy’n diwygio yw O.S. 2013/755 a 2014/656.

““the List of Wastes” means the list of wastes established by Commission Decision [2000/532/EC](#) replacing Decision [94/3/EC](#) establishing a list of wastes pursuant to Article 1(a) of Council Directive [75/442/EEC](#) on waste and Council Decision [94/904/EC](#) establishing a list of hazardous waste pursuant to Article 1(4) of Council Directive [91/689/EEC](#) on hazardous waste, as amended from time to time;”.

(3) Yn rheoliad 35(2)(a) (gwybodaeth am wastraff), hepgorer “(England) Regulations 2005 or, as the case may be, the List of Wastes (Wales) Regulations 2005”.

(4) Yn lle paragraff 11(3)(b) o Atodlen 1 (rhaglenni atal gwastraff a chynlluniau rheoli gwastraff), rhodder—

“(b) naturally occurring material falling within the description relating to code 17 05 04 in the List of Wastes.”.

Diwygio Rheoliadau Gwastraff a Reolir (Cymru a Lloegr) 2012

6. Ym mharagraff 1 o Atodlen 1 i Reoliadau Gwastraff a Reolir (Cymru a Lloegr) 2012(**22**)(gwastraff cartrefi, diwydiannol a masnachol), yn lle paragraff (c) o’r diffiniad o “offensive waste”, rhodder—

“(c) falls within the description relating to code 18 01 04, 18 02 03 or 20 01 99 in the list of wastes established by Commission Decision [2000/532/EC](#) replacing Decision [94/3/EC](#) establishing a list of wastes pursuant to Article 1(a) of Council Directive [75/442/EEC](#) on waste and Council Decision [94/904/EC](#) establishing a list of hazardous waste pursuant to Article 1(4) of Council Directive [91/689/EEC](#) on hazardous waste, as amended from time to time;”.

Dirymiadau

7. Mae’r darpariaethau a ganlyn wedi eu dirymu—

(a) Rheoliadau’r Rhestr Wastraffoedd (Cymru) 2005(**23**);

(b) rheoliad 4 (diwygio Rheoliadau’r Rhestr Wastraffoedd (Cymru) 2005) o Reoliadau Gwastraff (Darpariaethau Amrywiol) (Cymru) 2011(**24**).

24 Mehefin 2015

Carl Sargeant
Y Gweinidog Cyfoeth Naturiol, un o
Weinidogion Cymru

(22) [O.S. 2012/811](#), y gwnaed diwygiadau iddo nad ydynt yn berthnasol i’r Rheoliadau hyn.

(23) [O.S. 2005/1820 \(Cy.148\)](#) fel y’i diwygiwyd gan [O.S. 2011/971 \(Cy.141\)](#).

(24) [O.S. 2011/971 \(Cy.141\)](#).

Statws This is the original version (as it was originally made).

SCHEDULE/ATODLEN

Regulation/Rheoliad 3(9)

“SCHEDULE 8/ATODLEN 8

Regulation/Rheoliad 54

Form of consignee’s return to producer or holder/
Ffurff ateb y traddodai i’r cynhyrchydd neu’r deiliad

Hazardous waste producer returns form
Ffurflen atebion cynhyrchydd gwastraff peryglus

1. Consignee details/Manylion y traddodai

Name of consignee/ Enw'r traddodi	Postcode/ Cod Post	Consignee hazardous waste i.d. code Cod adnabod gwastraff peryglus y traddodi	Date/Dyddiad ⁽¹⁾

2. Waste return/ Atebion ynglŷn â gwastraff

Consignment note number Rhif nodyn traddodi	Date received Dyddiad dod i law	Mode of transport Cyfrwng clido	Frequency of collection Amlder casglu(2)	Six digit code(s)) Cod(a u) chwe digid(3)	Hazard code(s) Cod(au) perygl(4)	Physical form Ffurff ffisegol(5)	Quantity (kg) Maint (kg)	Mode of disposal/ recovery Dull gwaredu/adfer(6)

⁽¹⁾Date of submission of the return by the consignee/ Dyddiad cyflwyno'r ateb gan y traddodai.

⁽²⁾Where relevant/ Pan fo'n berthnasol.

⁽³⁾The six digit code(s) must correspond to the relevant code in the list of wastes. There may be more than one waste stream for each consignment note. All relevant six digit codes must be recorded/ Rhaid i'r cod(au) chwe digid gyfateb i'r cod perthnasol yn y rhestr o wastraffoedd. Gall fod mwy nag un ffrwd wastraff ar gyfer pob nodyn traddodi. Rhaid cofnodi pob cod chwe digid perthnasol.

⁽⁴⁾Hazard code: the hazard code must correspond to the list below. Each individual six digit code may have more than one hazard code. Each appropriate hazard code for a particular six digit code must be entered. Choose all of the appropriate hazard codes for the particular waste. If a waste contains a substance listed in Annex IV to Regulation (EC) No 850/2004 on persistent organic pollutants, and the concentration limit in that Annex is exceeded, the code "POP" must be recorded/ Cod perygl: rhaid i'r cod perygl gyfateb i'r rhestr isod. Gall pob cod chwe digid unigol gwmpasu mwy nag un cod perygl. Rhaid cofnodi pob cod perygl priodol ar gyfer unrhyw god chwe digid. Dewiswch bob un o'r codau perygl priodol ar gyfer gwastraff penodol. Os yw gwastraff yn cynnwys sylwedd a restrir yn Atodiad IV i Reoliad (EC) Rhif 850/2004 ar lygryddion organig parhaus, a'r crynodiad yn uwch na'r terfyn uchaf yn yr Atodiad hwnnw, rhaid cofnodi'r cod "POP".

Hazard code/ Cod perygl	Description/ Disgrifiad
HP 1	Explosive/ Ffrwydrod
HP 2	Oxidising/ Ocsideiddiol
HP 3	Flammable/ Fflamadwy
HP 4	Irritant – skin irritation and eye damage/ Llidiog – yn achosi llid ar y croen a difrod i'r llygad
HP 5	Specific Target Organ Toxicity (STOT)/ Aspiration Toxicity/ Gwenwyndra sy'n targedu organ benodol/ Gwenwyndra anadlol
HP 6	Acute Toxicity/ Gwenwyndra aciwt
HP 7	Carcinogenic/ Carsinogenig
HP 8	Corrosive/ Crydol
HP 9	Infectious/ Heintus
HP 10	Toxic for reproduction/ Gwenwynig ar gyfer atgenedlu
HP 11	Mutagenic/ Mwtagenig
HP 12	Release of an acute toxic gas/ Rhyddhau nwy gwenwynig aciwt
HP 13	Sensitising/ Sensiteiddiol
HP 14	Ecotoxic/ Ecowenwynig

Statws This is the original version (as it was originally made).

HP 15	Waste capable of exhibiting a hazardous property listed above not directly displayed by the original waste/ Gwastraffa allai amlygu priodwedd beryglus a restrir uchod, nas amlygwyd yn uniongyrchol gan y gwastraff gwreiddiol
POP	Persistent Organic Pollutant/ Llygrydd organig parhaus

⁽⁵⁾Physical form: Choose one option from the following list as appropriate.

Ffurff ffisegol: Dewiswch un opsiwn fel y bo'n briodol o'r rhestr ganlynol

Gas/ Nwy
Liquid/ Hylif
Mixed/ Cymysgedd
Powder/ Powdr
Sludge/ Sltwsh
Solid/ Solid

Statws This is the original version (as it was originally made).

⁽⁶⁾ Mode of disposal/recovery or rejected: use the appropriate Dxx/Rxx code for the operation performed on the waste or insert REJ if the waste has been rejected.

Dull gwaredu/ adfer, neu gwrthodwyd: defnyddier y cod Dxx/Rxx priodol ar gyfer y gweithrediad a gyflawnwyd ar y gwastraff, neu mewnosoder REJ os gwrthodwyd y gwastraff.

Code/ Cod	Disposal operation/ Gweithrediad gwaredu
D01	Deposit into or onto land/ Dyddodi yn y tir neu arno
D02	Land treatment/ Trin tir
D03	Deep injection/Chwistrellu'n ddwfn
D04	Surface impoundment/ Cronni ar yr wyneb
D05	Specially engineered landfill/ Tirlenwi a beiriannwyd yn benodol
D06	Release into a water body except seas/oceans/ Rhyddhau mewn corff dŵr ac eithrio moroedd/cefnforoedd
D07	Release into seas/oceans including seabed insertion/ Rhyddhau mewn moroedd/cefnforoedd gan gynnwys mewnosod yng ngwely'r môr
D08	Biological treatment not specified elsewhere which results in final compounds or mixtures which are disposed of by any of the operations numbered D01 to D12 Triniaeth ffiolegol, nas pennir yn unman arall, sy'n creu cyfansoddion neu gymysgeddau terfynol a waredir drwy ddefnyddio unrhyw rai o'r gweithrediadau a rifwyd D01 i D12
D09	Physic-chemical treatment not specified elsewhere which results in final compounds or mixtures which are disposed of by any of the operations numbers D01 to D12 Triniaeth ffisegol-gemegol, nas pennir yn unman arall, sy'n creu cyfansoddion neu gymysgeddau terfynol a waredir gan ddefnyddio unrhyw rai o'r gweithrediadau a rifwyd D01 i D12
D10	Incineration on land/ Hyllogi ar y tir
D11	Incineration at sea/ Hyllogi ar y môr
D12	Permanent storage/ Storio'n barhaol
D13	Blending or mixing prior to submission to any of the operations numbered D01 to D12 Blendio neu gymysgu cyn defnyddio unrhyw rai o'r gweithrediadau a rifwyd D01 i D12
D14	Repackaging prior to submission to any of the operations numbered D01 to D12/ Ailbecynnu cyn defnyddio unrhyw rai o'r gweithrediadau a rifwyd D01 i D12
D15	Storage pending any of the operations numbered D01 to D14 (excluding temporary storage, pending collection, on the site where it is produced). Storio tra'n aros i gyflawni unrhyw rai o'r gweithrediadau a rifwyd D01 to D14 (ac eithrio storio dros dro, tra'n aros am ei gasglu o'r safle lle'i cynhyrchir).
	Recovery operation/ Gweithrediad adfer
R01	Use principally as a fuel or other means to generate energy/ Defnyddio'n bennaf fel tanwydd neu ar gyfer dull arall o gynhyrchu ynni
R02	Solvent reclamation/regeneration/ Adennill/atgynhyrchu toddyddion
R03	Recycling/reclamation of organic substances which are not used as solvents (including composting and other biological transformation processes)/ Ailgylchu/adennill sylweddau anorganig nas defnyddir fel toddyddion (gan gynnwys compostio a phrosesau trawsnewid biolegol eraill)
R04	Recycling/reclamation of metals and metal compounds/ Ailgylchu/adennill metelau a chyfansoddion metelau
R05	Recycling/reclamation of other inorganic materials/ Ailgylchu/adennill deunyddiau anorganig eraill
R06	Regeneration of acids or bases/ Atgynhyrchu asidau neu fasau
R07	Recovery of components used for pollution abatement/ Adfer cydrannau a ddefnyddir ar gyfer atal llygredd
R08	Recovery of components from catalysts/ Adfer cydrannau o gatalyddion
R09	Oil refining or other re-uses of oil/ Puro olew, neu ddulliau eraill o aildefnyddio olew
R10	Land treatment resulting in benefit to agriculture or ecological treatment/ Trin tir mewn ffordd sy'n llesol i amaethyddiaeth, neu driniaeth ecolegol
R11	Use of wastes obtained from any of the operations numbered R01 to R11/ Defnyddio gwastraffoedd a geir o unrhyw rai o'r gweithrediadau a rifwyd R01 to R10

R12	Exchange of wastes for submission to any of the operations numbered R01 to R11/ Cyflwynid gwastraffoedd er mwyn cyflawni amynt unrhyw rai o'r gweithrediadau a rifwyd R01 to R10
R13	Storage of wastes pending any of the operations numbered R01 to R12 (excluding temporary storage, pending collection, on the site where it is produced)/ Storio gwastraffoedd tra'n aros i gyflawni unrhyw rai o'r gweithrediadau a rifwyd R01 to R12 (ac eithrio storio dros dro, tra'n aros am eu casglu o'r safle lle'u cynhyrchir)

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio offerynnau statudol penodol yn ymwneud â gwastraff peryglus, sy'n cyfeirio at Reoliadau'r Rhestr Wastraffoedd (Cymru) 2005 (O.S. 2005/1820 (Cy. 148)) ("Rheoliadau'r Rhestr Wastraffoedd"), neu ddeddfiadau'r Undeb Ewropeaidd sy'n ymwneud â gwastraff peryglus.

Mae angen y diwygiadau a wneir gan y Rheoliadau hyn er mwyn—

gweithredu Rheoliad y Comisiwn (EU) Rhif 1357/2014 (OJ Rhif L 365, 19.12.14, t.89), sy'n diwygio Cyfarwyddeb 2008/98/EC (OJ Rhif L 312, 22.11.2008, t.3) ("y Gyfarwyddeb Wastraff");

gweithredu Penderfyniad y Comisiwn 2014/955/EU (OJ Rhif L 370, 30.12.2014, t.44), sy'n diwygio Penderfyniad y Comisiwn 2000/532/EC (OJ Rhif L 226, 6.9.00, t.3) ("Penderfyniad y Rhestr Wastraffoedd");

cydnabod y ffaith bod Cyfarwyddeb 2002/96/EC (OJ L 37, 13.2.2003, t.24) ar Gyfarpar Trydanol ac Electronig Gwastraff ("y Gyfarwyddeb CTEG") wedi ei hail-lunio fel Cyfarwyddeb 2012/19/EU (OJ Rhif L 197, 24.7.2012, t.38);

cydnabod newidiadau mewn terminoleg a wnaed gan Reoliad (EC) Rhif 1272/2008 Senedd Ewrop a'r Cyngor, ar ddsbarthu, labelu a phecynnu sylweddau a chymysgeddau (OJ Rhif L 353, 31.12.2008, t.1) ("y Rheoliad DLPh").

At ddiben gweithredu Penderfyniad diwygiedig y Rhestr Wastraffoedd, mae Rheoliadau'r Rhestr Wastraffoedd wedi eu dirymu. Pan fo cyfeiriadau at y Rheoliadau hynny yn codi yn yr offerynnau y mae'r Rheoliadau hyn yn eu diwygio, rhoddir cyfeiriad at Benderfyniad y Rhestr Wastraffoedd ei hun, fel y'i diwygir o bryd i'w gilydd, yn eu lle.

Mae rheoliad 2 o'r Rheoliadau hyn yn diwygio Rheoliadau'r Cynllun Lwfansau Tirlenwi (Cymru) 2004 (O.S. 2004/1490 (Cy. 155)) drwy roi cyfeiriad at Benderfyniad y Rhestr Wastraffoedd yn lle'r cyfeiriadau at Reoliadau'r Rhestr Wastraffoedd.

Mae rheoliad 3 a'r Atodlen yn gwneud diwygiadau i Reoliadau Gwastraff Peryglus (Cymru) 2005 (O.S. 2005/1806 (Cy. 138)) ("y Rheoliadau Gwastraff Peryglus").

Mae rheoliad 3(2) yn amnewid y diffiniad o'r Gyfarwyddeb Wastraff sydd yn rheoliad 2 o'r Rheoliadau Gwastraff Peryglus.

Mae rheoliad 3(3) yn diwygio'r diffiniad o Atodiad III i'r Gyfarwyddeb Wastraff yn rheoliad 3(a) drwy hepgor y cyfeiriad at Atodlen 3 i'r Rheoliadau hynny, a hepgorir Atodlen 3 i'r Rheoliadau hynny ei hunan yn rhinwedd rheoliad 3(8).

Mae rheoliad 3(4) yn amnewid y diffiniad o'r Rhestr Wastraffoedd sydd yn rheoliad 4(1). Mae'r diffiniad newydd yn cyfeirio'n uniongyrchol at Benderfyniad y Rhestr Wastraffoedd fel y'i diwygir o bryd i'w gilydd.

Mae paragraffau (5), (6)(a) a (7)(a) o reoliad 3 yn cywiro cyfeiriad at adran 62A o [Ddeddf Diogelu'r Amgylchedd 1990 \(p.43\)](#).

Mae rheoliad 3(6)(b) yn rhoi cyfeiriad at Erthygl 7(2) o'r Gyfarwyddeb Wastraff yn lle cyfeiriad at Erthygl 3 o Benderfyniad y Rhestr Wastraffoedd.

Mae rheoliad 3(7)(b) yn rhoi cyfeiriad at Erthygl 7(3) o'r Gyfarwyddeb Wastraff yn lle cyfeiriad at Erthygl 3 o Benderfyniad y Rhestr Wastraffoedd.

Mae rheoliad 3(9) a'r Atodlen yn amnewid Atodlen 8 newydd.

Mae rheoliad 4 yn diwygio Rheoliadau Trwyddedu Amgylcheddol (Cymru a Lloegr) 2010 ([O.S. 2010/675](#)) ("RhTA 2010").

Mae paragraffau (2), (5)(b) a (7) o reoliad 4, yn diweddarau cyfeiriadau at Erthyglau penodol yn y Gyfarwyddeb CTEG er mwyn cysoni'r cyfeiriadau hynny â'r darpariaethau cyfatebol yn y Gyfarwyddeb a ail-luniwyd.

Mae rheoliad 4(3)(a) yn amnewid cyfeiriad at y Gyfarwyddeb Wastraff. Er cysondeb â darpariaethau perthnasol eraill, nid yw'r ddarpariaeth a amnewidir yn cyfeirio'n benodol at Reoliad diwygio EU Rhif 1357/2014. Effaith adran 20A o [Ddeddf Dehongli 1978 \(p.30\)](#) ("Deddf 1978"), fodd bynnag, yw pan fo Deddf sydd wedi ei phasio ar ôl dyddiad cychwyn yr adran honno yn cyfeirio at offeryn yr Undeb Ewropeaidd, fod y cyfeiriad, oni amlygir bwriad i'r gwrthwyneb, yn gyfeiriad at yr offeryn fel y'i diwygiwyd ar y dyddiad y daw'r Ddeddf honno i rym. Mae adran 23(1) o Ddeddf 1978 hefyd yn cymhwyso'r egwyddor honno i is-ddeddfwriaeth. O ganlyniad, effaith yr amnewidiad a wneir gan reoliad 4(3)(a) yw bod cyfeiriadau at y Gyfarwyddeb Wastraff yn RhTA 2010 yn dod yn gyfeiriadau at y Gyfarwyddeb honno fel y'i diwygiwyd ar y dyddiad y daw'r Rheoliadau hyn i rym.

Mae rheoliad 4(3)(b) yn rhoi, yn lle'r cyfeiriad at y Gyfarwyddeb CTEG, gyfeiriad at y Gyfarwyddeb honno fel y'i hail-luniwyd.

Mae rheoliad 4(4) yn mewnosod cyfeiriad at Benderfyniad y Rhestr Wastraffoedd fel y'i diwygir o bryd i'w gilydd, yn Atodlen 3 o RhTA 2010, drwy roi, yn lle cyfeiriadau at Reoliadau'r Rhestr Wastraff, gyfeiriad at y Penderfyniad hwnnw.

Mae paragraffau (5) a (6) o Reoliad 4 yn rhoi cyfeiriadau at "hazardous substances" yn lle amryw o gyfeiriadau at "dangerous substances", er mwyn cysoni'r darpariaethau â'r derminoleg a ddefnyddiwyd yn y Rheoliad DLPh.

Mae rheoliad 5 yn diwygio Rheoliadau Gwastraff (Cymru a Lloegr) 2011 ([O.S. 2011/988](#)) drwy fewnosod cyfeiriad at Benderfyniad y Rhestr Wastraffoedd fel y'i diwygir o bryd i'w gilydd, a rhoi, yn lle cyfeiriadau at Reoliadau'r Rhestr Wastraffoedd, gyfeiriadau at y Penderfyniad hwnnw.

Mae rheoliad 6 yn diwygio Rheoliadau Gwastraff a Reolir (Cymru a Lloegr) 2012 ([O.S. 2012/811](#)), drwy roi cyfeiriad at Benderfyniad y Rhestr Wastraffoedd yn lle'r cyfeiriad at Reoliadau'r Rhestr Wastraffoedd yn y diffiniad o "offensive waste".

Mae rheoliad 7 yn dirymu Rheoliadau'r Rhestr Wastraffoedd (Cymru) 2005 ([O.S. 2005/1820 \(Cy.148\)](#)) a rheoliad 4 o Reoliadau Gwastraff (Darpariaethau Amrywiol) (Cymru) 2011 ([O.S. 2011/971 \(Cy.141\)](#)).

Ni wnaed asesiad effaith ar gyfer yr offeryn hwn, oherwydd na ragwelir unrhyw effaith ar fusnesau.